



30. april 2024

UPA2024/109

Pele Broberg, Naleraq

Nunatsinni innuttaasut Danmarkimut nuuttarnerat sunik patsiseqarnerseq misissorlugu Naalackersuisut nalunaarusiorlutik peqquneqarnissaat pillugu Inatsisartut aalajangiiffigisassaattut siunnersuut. Nalunaarusiaq UPA25 nallertinnagu Inatsisartunut agguanneqassaaq..

(Inatsisartunut ilaasortaq Aqqalu C. Jerimiassen, Atassut)

Siullermeenera

Naleqqamiit Inatsisartuni Ilaasortaq Aqqalu C. Jerimiassen qutsavigaarput siunnersuutaanut.

Nunatsinni nalunaarusiat amerlaqisut maanna pigilernikuuvagut. Ilaatigut quianartunngorlugu taaneqartartoq, orpippassuarnut nungusaataanerpaalluta.

Nunatsinni politikki qiviaraanni tunngaviit assigiinngissimaqaat, sineriammi inuerusaanermik siunertallit. Ullumikkullu politikikkut ammasumik nunaqarfinnik inuerusaanissamik siunertaqannginnerarluni, aaliangiussalli kingunerat takusarlutigu.

Kingumummi qivialaaraanni aamma taanna erserpoq 2016-imi nuna tamakkerlugu pilersaarummi tunuartinneqartumi.

Immaqami orniginarneruvoq paasiniassallugu, sooq nunarput avataaniit nuussorfiginissaanut pilerinaqinersoq?

Utaqqisuniinnatik ineqartinneqartarmata?

Akissarsiat qaffasissusaa naammammat?

Naleqqamiit kalaaleqatigut nunarsuarmioqataallutik paasisassarsiortarnissaat, kiffaanngissuseqarlutillu inuunertik ingerlannissaat taperserparput.

Politikkikkullu periarfissaq, tassa danskit kunngeqarfiminni sumiluunniit najunqarsinnaanerat, Kalaallisut innuttaasuseqarlernissatta tungaanut nikisingaarneqarnaviangilaq.

Nalunaarusiarineqarsinnaananilu.



Naleraq

Tamanna isumaqanngilaq Naalangaaffittut nunanut allanut isumaqatigiissuteqarsinnaanngitsugut, innuttaasugut killeqarfiit akimorlugit najungaqarlutillu sulisinnaanissaanut. Takuinnartigummi nunatsinni norskit najungaqarput, aammalu nunatsinneersut Norgemi najungaqarlutik.

Annerusumik siunnersuut takusinnaanngilarput ataatsimiititaliamut ingerlateqqinnerani pissarsiaqarfiginissaa, taamaammallu siunnersuut itigartillugu.